

**96.**

Na osnovu člana 43 stav 2 Zakona o Vojsci Crne Gore ("Službeni list RCG", broj 47/07) i člana 25 Uredbe o znaku Vojske Crne Gore, izgledu činova i vojnih uniformi ("Službeni list CG", broj 03/07) Ministarstvo odbrane donijelo je

## PRAVILNIK

# O NAČINU NOŠENJA UNIFORMI PROFESIONALNIH VOJNIH LICA

("Službeni list Crne Gore", br. 008/07 od 23.11.2007)

## I OPŠTE ODREDBE

### Predmet pravilnika

#### Član 1

Ovim pravilnikom uređuje se način nošenja uniformi profesionalnih vojnih lica na službi u Vojsci Crne Gore (u daljem tekstu: Vojska), za vrijeme obavljanja dužnosti, bliži izgled uniformi, normativi pripadanja i rokovi trajanja uniformi.

### Vrste uniformi

#### Član 2

Profesionalni podoficiri i oficiri nose službenu, radnu, svečanu i vježbovno-terensku uniformu.

Lica u rezervnom sastavu Vojske, vojnici - dobrovoljci, vojnici po ugovoru, kadeti i lica za vrijeme sticanja osnovnih vojničkih znanja nose vježbovno-terensku uniformu.

### Nošenje uniforme nakon prestanka službe

#### Član 3

Profesionalni podoficiri i oficiri, nakon prestanka službe, mogu nositi službenu ili radnu uniformu na proslavama, vojnim svečanostima i u vrijeme državnih praznika.

### Nošenje uniforme za vrijeme školovanja i službenog boravka

#### Član 4

Nošenje uniforme profesionalnih podoficira i oficira na školovanju-usavršavanju, službenom boravku u zemlji i inostranstvu, određuje se aktom o upućivanju.

### Boje uniformi vidova Vojske

#### Član 5

Profesionalnim podoficirima i oficirima prva službena, radna i vježbovno-terenska uniforma daje se u boji vida jedinice kojoj pripadaju.

Profesionalni podoficiri i oficiri na službi u Generalštabu nose uniforme vida u kojem su se zatekli na dan stupanja na snagu ovog pravilnika.

### Promjena uniformi

#### Član 6

Rasporedjivanje profesionalnih podoficira i oficira u jedinicu drugog vida, obavezuje ga na promjenu uniforme, s tim, što tu obavezu izvršava sa datumom isteka roka trajanja uniforme koju je do tada nosio. Rok trajanja određuje se prema roku trajanja odjevnog predmeta službene, radne, svečane ili vježbovno-terenske uniforme koji najduže traje.

## II NAČIN NOŠENJA I IZGLED UNIFORMI PROFESIONALNIH PODOFICIRA I OFICIRA

### Nošenje službene uniforme

## Član 7

Službena uniforma se nosi prilikom izvršavanja redovnih zadataka koji ne zahtijevaju postrojavanje, izlazak pred stroj ili druge aktivnosti vezane za izvođenje obuke.

- 1) Mantil sa termo uloškom koji se skida, nosi se samo uz bluzu i pantalone kao djelove službene uniforme.
- 2) Vjetrovka sa termo uloškom koji se skida, nosi se u službenoj i radnoj varijanti uniforme.
- 3) Bluza, pantalone, košulja dugih rukava sa kravatom, pored aktivnosti iz stava 1 ovog člana nose se: prilikom posjeta ministra odbrane ili načelnika Generalštaba Vojske jedinicama- komandama; dolaska generala-admirala u najavljenu posjetu jedinicama; na komemoracijama i pogrebima sa vojnim počastima; prilikom polaganja vijenaca, kao i na zvaničnim i prigodnim skupovima vojnog i/ili drugog karaktera.
- 4) Košulja sa dugim rukavima može se nositi sa službenim pantalonama, sa kravatom ili bez kravate, što zavisi od prostora i vremenskih prilika u kojem se zadaci izvršavaju.
- 5) Košulja sa kratkim rukavima nosi se bez kravate, sa službenim ili radnim pantalonama.
- 6) Majica sa kratkim rukavima nosi se ispod košulje, po izboru profesionalnog vojnog lica.
- 7) Šal se može nositi uz mantil ili vjetrovku.
- 8) Šapka se nosi u svim prilikama kada se zadaci izvršavaju van zatvorene prostorije i samo uz službenu i svečanu uniformu. Profesionalno vojno lice ne nosi šapku dok se nalazi u prevoznom sredstvu.

Postrojavanje profesionalnih podoficira i oficira u svečanim prilikama vrši se u službenim ili svečanim uniformama.

## Izgled službene uniforme

### Član 8

#### 1) Mantil sa termo uloškom koji se skida

Mantil sa termo uloškom koji se skida je jednoredan, blago struktiran, sa skrivenim zakopčavanjem sa dugmadima i šlicem na zadnjoj strani. Prva rupica je vidljiva i udaljena od ivice prednjeg dijela 2 cm i 2 cm od vratnog izreza. Ostale tri rupice su otvorene na lajsni sa unutrašnje strane. Unutrašnja lajsna za zakopčavanje je postavljena, zatvorena u gornjem dijelu 12 cm od vratnog izreza, a zatim otvorena u dužini od 50 cm. Sve rupice su sa međusobnim razmakom od 18 cm. Prednji djelovi mantila / kantovi / su sa lica oštepani štepmom širine 1-2 mm /uz ivicu/, a lajsna je oštepana štepmom širine 6 cm u dužini od 62 cm i u donjem dijelu je blago zaobljena.

Na prednjicama mantila, u donjem dijelu, otvorena su dva kosa džepa sa lajsnom širine 4.5 cm i dužine 18 cm u gotovom stanju. Džep lajsna je oštepana sa dva štega, širine 1-2 mm /uz ivicu/ + 0.5 cm. Krajevi otvora džepova su ojačani. Na lijevoj strani u visini grudi našiven je meki dio čičak trake, za letvicu za oznaku čina, dimenzija 7 cm širine, 5 cm visine.

Leđa su sjećena po sredini. U donjem dijelu je formiran šlic sa preklopom od 5 cm. Šlic je u gornjem dijelu fiksiran kosim štepmom. Srednji leđni šav je cijelom dužinom oštepan sa dva štega širine 1-2 mm /uz ivicu/ + 0.5 cm.

Rame je blago oboreno i oštepano po leđnom dijelu sa dva štega širine 1-2 mm /uz ivicu/ + 0.5 cm, a orukavlje je štepano po cijelom obimu štepmom 1-2 mm /uz ivicu/. Rukav je dvodjelni, bez šlica. Zadnji šav na rukavu je štepan 1-2 mm + 0,5 cm /dva štega/.

Kragna je košuljarskog tipa ojačana međupostavom, štepana je po obimu štepmom 1-2 cm /uz ivicu/. Vrh kragne je blago zaobljen širine od 9-9.5 cm. Podkragna prelazi rameni šav 9 cm sa obje strane.

Porub na dužini mantila i porub rukava je podavljen i štepan sa lica na rastojanju 2 cm od donje ivice.

Mantil je postavljen viskoznom postavom. Na lijevoj strani prednjice u visini grudi je otvoren jedan paspul džep, a ispod njega je našiven falta džep sa patnom.

Uložak je urađen u kombinaciji tkanina. Gornji dio uloška je formiran od dvostrukog štepanog postava sa punilom i međupostavnim blokadom. Donji dio uloška i rukavi su od vunene tkanine. Na ulošku sa lijeve strane /gledano kada se uložak pričvrsti na mantil/ našivena je osnovna tkanina na kojoj se formira džep sa patent zatvaračem, a ispod njega je našiven manji falta džep sa patnom.

Uložak se za mantil fiksira dugmadima L-24 i može se skinuti.

Na lijevom rukavu, na sredini u gornjem dijelu našiven je znak Vojske.

Mantil se izrađuje od vodoodbojne, uljoodbojne i vodonepropusne tkanine visokog kvaliteta sirovinskog sastava 100 % poliestar sa nanosom poliuretana sa unutrašnje strane, površinske mase od 145-160 g/m<sup>2</sup> u platno

prepletaju, sa prekidnim silama po osnovi 100 dN i po potki 100 dN. Svi šavovi sa unutrašnje strane zavareni na mašini za varenje toplim vazduhom.

## 2) Vjetrovka sa termo uloškom koji se skida

Vjetrovka sa termo uloškom koji se skida je ravnog kroja, sa kapuljačom, ranglan rukavima, dužine do ispod bokova. Zakopčava se patent zatvaračem po cijeloj dužini, do vrha kragne. Sa obje strane prednjih dijelova, na rastojanju od 2.5-3 cm od patent zatvarača, našivene su lajsne koje se preklapaju i zatvaraju čičak trakama. Širina lajsne u gotovom stanju je 7 cm. Lajsne se našivaju do vrha kragne.

Prednji djelovi vjetrovke su sjećeni u visini grudi, sa lajsnom širine 3.5-4 cm u šavu, ispod koje su sa obje strane otvoreni unutrašnji džepovi koji se zatvaraju patent zatvaračima. Iznad lajsne na lijevoj strani našiven je meki dio čičak trake, za letvicu za oznaku čina, dimenzija 7cm širine, 5 cm visina.

Na prednjim donjim djelovima vjetrovke našiveni su veći džepovi pokriveni patnama, a na njima su otvoreni džepovi sa lajsnom širine 3 cm.

Na liniji struka, sa unutrašnje strane, našiven je tunel širine 4 cm i kroz njega se provlači gajtan traka, koja omogućava podešavanje širine vjetrovke. Rukavi su ranglan, sa manžetnom širine 5.5 cm, na kojoj je čičak trakom omogućeno podešavanje obima.

Kragna je visoka, sa otvorom na zadnjoj strani, u koji se može složiti kapuljača. Veličina kapuljače se može podešavati po obimu i po dubini.

Svi šavovi su sa unutrašnje strane zavareni na mašini za varenje toplim vazduhom.

Vjetrovka je sa postavom i uloškom koji se skida. Uložak je formiran štepanjem postave i flees pletenine sa punjenjem i međupostavnom blokadom, za vjetrovku se pričvršćuje patent zatvaračima sa unutrašnje prednje strane.

Na lijevom rukavu, na sredini u gornjem dijelu našiven je znak Vojske.

Vjetrovka se izrađuje od vodoodbojne, uljoodbojne, vodonepropusne, dišljive, dvoslojne tkanine sa klima membranom, sirovinskog sastava 100 % poliestar, površinske mase od 155- 180 g/m<sup>2</sup>, sa prekidnim silama po osnovi 100 dN i po potki 100 dN. Tkanina mora biti visokog kvaliteta koji će omogućiti upotrebu, uz propisane uslove održavanja, bez pojave raslojavanja i deformacija.

## 3) Bluza

Bluza je sa naramenicama, jednoredna, blago strukturana, sa dva našivena džepa sa patnama u gornjem dijelu u visini grudi i sa dva paspul džepa sa patnama u donjem dijelu.

Rever je oboren, sa pregibom koji se završava iznad linije grudi. Širina špica kragne na reveru iznosi 4 cm, a širina revera 5 cm.

Kopčanje je sa četiri dugmeta sa preklopom od 4 cm. Dugmad su raspoređena tako što je, gornje dugme po gornjoj ivici u pravcu patne gornjih džepova, a donje dugme po gornjoj ivici u pravcu patne donjih džepova. Između njih na jednakom rastojanju su još dva dugmeta.

Gornji džepovi su našiveni, u donjem dijelu blago zaobljeni, sa faltom širine 4 cm na sredini džepa. Džepovi su našiveni štepm 1-2 mm /uz ivicu/. Iznad džepova na visini 1.5 cm od ivice našivene su patne. Dužina patne je 5.5 cm, a na sredini je našiveno dugme sa znakom Vojske L-28. Patna je našivena i štepana štepm širine 5 mm sa gornje strane i po obimu 1-2 mm /uz ivicu/.

Donji džepovi su paspul džepovi sa patnama koje su blago zaobijene na krajevima. Dužina patne je 6.5 cm, a na sredini patne je našiveno dugme sa znakom Vojske L-28. Zadnji dio džepa prelazi preko bočnog šava na bočni dio. Patna je našivena i štepana štepm širine 5 mm sa gornje strane, a po obimu je štepana štepm 1.2 mm /uz ivicu/.

Rukav je dvodijelni, bez šlica. U donjem dijelu su našivena tri dugmeta L- 24, prvo dugme je udaljeno od ivice rukava 4 cm. Razmak između dugmadi je 2. 5 cm. Na lijevom rukavu, na sredini, na visini od 8 cm od šava, na ramenu, našiven je znak Vojske. Za mornaricu, rukav je bez šlica i na njemu se po cijelom obimu, na visini od 8 cm od završetka rukava, našiva ukrasna traka po specifikaciji za označavanje činova. Na rukavima se na rastojanju od 4 cm iznad gornje trake veze zvjezdica u zlatnom lameu.

Naramenica je na kraćoj strani trapeznog oblika. Širina naramenice je 5 cm, a dužina 13.5 cm. Na vrhu, prema kragni se izrađuje rupica, a dugme Vojske L-24 se ušiva na rameni šav. Sredina naramenice se nalazi na ramenom šavu. Na naramenice se našiva ukrasna traka, po specifikaciji za označavanje činova. Porub na dužini bluze je širine 3 cm, a na dužini rukava 4 cm.

Kragna, rever i kant bluze su oštepani štepm 0,5 cm. Leđa su iz dva dijela, bez šliceva. Bluza je postavljena viskoznom postavom i u nju se ugradjuje visoko kvalitetan međupostavni materijal, koji treba da omogući održavanje forme tokom korišćenja /dvije vrste Ijepljivog platna, međupostave za prsno ojačanje-plastika, filc/.

Na lijevom rukavu, na sredini, u gornjem dijelu našiven je znak Vojske.

Bluza se izrađuje od kvalitetne tkanine sirovinskog sastava 100 % vuna , površinske mase 180-190 g/m<sup>2</sup> ukeper prepletaju, sa prekidnim silama po osnovi 40 dN i po potki 28 dN, sa uglovima gužvanja, posle 5 min 150° i posle 60 min 160°. Finoća vunenog vlakna treba da bude max 19 um.

#### 4) Košulja sa dugim rukavima

Košulja sa dugim rukavima je sa klasičnom kragnom i zakopčavanjem sa dugmadima na lajsni. Na prednjoj strani u visini grudi sa obje strane, su našivena dva džepa sa patnama. Rukavi se završavaju sa manžetnom, a urameni šav su ubaćene naramenice. Leda su sa duplom satlom.

Prednji djelovi košulje su ravni, a lijeva i desna strana su asimetrične.

Prednja lijeva strana u kantu formira lajsnu sa paspulom od 0.5cm, ukupne širine 3.5 cm, štepana je sa obje strane štepom udaljenim od ruba 0.5 cm. Na spoljnoj strani lijeve prednjice na sredini lajsne izrađuje se ukupno 6 rupica, od kojih je prvih pet od gore vertikalno, a šesta je horizontalna. Prva rupica je udaljena od vratnog izreza 6 cm, a rastojanje između ostalih rupica iznosi 9 cm.

Desna strana prednjeg dijela je u kantu podavljena i preštepana štepom širine 2.5 cm, na nju se prema rasporedu rupica na lijevoj strani ušivaju dugmad.

Na oba prednja dijela, u visini grudi, našiva se štepom 1-2 mm /uz ivicu/, po jedan džep sa patnom. Na sredini džepa po širini, sa spoljne strane, našiva se letvica (lajsna) širine 3.5 cm. Krajevi dužine letvice ravnomođerno se podavljaju i po ivici poruba proštepanju štepom na širini od 0.5 cm. Prednje strane našivenih džepova udaljene su od ivice prednjice 7cm. Gornji krajevi (uglovi) džepa utvrđuju se povratnim pravougaonim štepom širine 5 mm, a donji krajevi su koso zasjećeni prema dužini od 2.5 cm. Porub džepa je podavljen i preštepan štepom 2 cm. Dugme je ušiveno na sredini letvice (lajsne) u visini rupice na patni. Patne su koso zasjećene u dužini od 2.5 cm i oštepane štepom udaljenim od ivice 0.5 cm. Na spoljnoj strani patne, na sredini, izrađuje se vertikalna rupica.

Na gornjoj strani zadnjeg dijela u šavu dvostrukе satle udaljene na rastojanju od 6 cm od rukava sa obje strane formiraju se dvije falte dubine 1 cm. Satla je naštepana štepom udaljenim od ivice 1-2 mm /uz ivicu/.

Okovratnik čine kragna i podkragna. Širina podkragne na sredini je 3 cm. Dužina kragne na špicu je 8 cm, a širina na sredini 4.5 cm. Sa naličja kragne u vrhu špica postavlja se fižbajn.

Naramenica je na kraćoj strani trapeznog oblika. Spoljna strana se oštepava štepom udaljenim od ivice 0.5 cm. Širina naramenice je 5 cm, a dužina 14 cm. Na vrhu, prema kragni, izrađuje se rupica. Sredina naramenice se nalazi na prednjem šavu satle.

Rukav je jednodjelni, sa otvorom /šlic/ u donjem dijelu dužine od 10 do 11 cm. Donja strana otvora rukava se podavlja i proštepa po ivici, a na sredini se prema položaju rupice na lajsni ušiva dugme. Na gornju stranu ušiva se lajsna širine 2 cm i ukupne dužine od 14,5 cm. U donjem dijelu rukava formiraju se dvije falte dubine 1,5 cm, okrenute prema zadnjoj strani rukava.

Manžetne su širine 7 cm, na krajevima koso zasjećene na 2,5 cm, sa spoljne strane se naštepavaju štepom uz ivicu od 1-2 mm i oštepavaju još jednim štepom na širini od 0,8 cm. Na gornjoj strani se izrađuje vodoravna rupica, udaljena od ivice 1-1,2 cm, na donjoj, u pravcu rupice, ušiva se jedno dugme, a u produžetku na rastojanju od 3 cm još jedno.

Dužina košulje se podavlja za 0,5 cm.

Na lijevom rukavu, na sredini u gornjem dijelu našiven je znak Vojske.

Košulja se izrađuje od tkanine sirovinskog sastava 100 % pamuk, površinske mase 115-130 g/m<sup>2</sup>, dorađene protiv gužvanja. Pamuk mora biti visokog kvaliteta /Giza/. Kragna, podkragna, patne, epolete, manžetne i letvica džepa moraju biti ojačani međupostavom visokog kvaliteta.

#### 5) Košulja sa kratkim rukavima

Košulja sa kratkim rukavima je u svemu ista kao i košulja dugih rukava, samo što je rukav jednodjelni dužine do iznad lakata. Na dužini rukava formira se skrivena lajsna širine 3,5 cm. Lajsna se zatvara štepom širine 5 mm.

#### 6) Majica sa kratkim rukavima

Majica sa kratkim rukavima je t-shirt majica, ravnog kroja, sa okruglim okovratnikom od rendera, širine 2,5 cm. Rukavi su dužine do iznad lakata. Porub majice na dužini i na rukavu, širine 2 cm je urađen sa dva štapa.

Majica se izrađuje od kvalitetne pletenine sirovinskog sastava 100 % pamuk, površinske mase 140-160 g/m<sup>2</sup>.

Boja tkanine je bijela.

#### 7) Pantalone

Pantalone su ravnog kroja, sa egalizir trakom, širine 1,5 cm u bočnim šavovima i sa jednom faltom.

Prednji džepovi su kosi, a otvori utvrđeni ringlicama. Kosina džepova je u dijelu ispod pojasa udaljena od bočnog šava 4 cm i štakora je sa lica štakom širine 5 mm. Na zadnjoj desnoj strani otvoren je jedan džep sa dva paspula širine 5 mm. Ispod paspula džepa na sredini otvorena je rupica, a na unutrašnjem dijelu na podžep lajsni je našiveno dugme.

Pantalone se zakopčavaju patent zatvaračem sa prednje strane. Šlic je sa lica otštepan širinom 3,6 cm. Falta dubine 2 cm je utvrđena 3 cm ispod pojasa, falta je okrenuta prema bočnom šavu. Nogavice su ravne, prepeglane u ivicu, na dužini, širine 26 cm.

Pojas iz dva dijela, sastavljen je na sredini, širine 4 cm. Na njemu je našiveno šest gajki, širine 1 cm, i dužine 5 cm. Spoljna strana pojasa je od osnovne tkanine, a unutrašnja obrada je od pojasnice. Na lijevoj strani pojasa je produžetak dužine 6 cm, sa završetkom u obliku špica. Na produžetku je urađena rupica, a sa unutrašnje strane se učvršćuje kopča.

Porub na dužini nogavica je širine 4 cm. Na porubu sa naličja, našivena je sintetička traka, širine 1,5 cm, koja štiti porub. Pantalone su porubljene skivenim bodom.

Na prednje nogavice sa unutrašnje strane je našivena viskozna postava u dužini do ispod koljena, a tkanina koja se koristi za džepovinu treba da ima visoke vrijednosti prekidnih sila i sila cijepanja.

Pantalone se izrađuju od kvalitetne tkanine sirovinskog sastava 100% vuna, površinske mase 180-190 g/m<sup>2</sup> ukeper prepletaju, sa prekidnim silama po osnovi 40 dN i po potki 28 dN, sa uglovima gužvanja posle pet min. 150° i posle 60 min. 160°. Finoča vunenog vlakna treba da bude max 19um.

## 8) Kravata

Kravata je klasičnog oblika u donjem dijelu široka 10 cm u gotovom stanju, sa krajevima dužine 7 cm. Dužina kravata u nevezanom stanju je 145 cm. Kravata se izrađuje od tkanine dvokomponentne boje, sirovinskog sastava poliestar 100%, površinske mase 130-150 g/m<sup>2</sup>.

## 9) Šal

Šal je klasičnog oblika, izrađen od vune 100%, flanel, površinske mase 200-240 g/m<sup>2</sup>.

## 10) Šapka

Šapka je klasičnog oblika sa štitnikom presvućenim lakiranim politeksom crne boje. Kruna pokrivka se izrađuje od osnovne tkanine, dimenzija 28x26 cm /u gotovom stanju/. Obodni dio krune je visine 5 cm. Na obodni dio krune pokrivke našiva se ukrasna traka crne boje širine 38 mm, na koju su prethodno našivene ukrasne trake. Ukrasne trake su za oficire patina zlatne boje, a za podoficire patina srebrne boje.

Postava se štapa sa punilom i fiksira za krunu pokrivka. U šapku se ugrađuju uobičajeni elementi /štitnik, port, znojnica, unutrašnji prsten/.

Na sredini prednje strane šapke učvršćuje se metaina oznaka, koja simbolizuje znak Vojske bez crvenog štita u pozadini. Oznaka je za oficire zlatne, a za podoficire srebrne boje.

Za mornaricu, kruna pokrivka je bijele boje.

Za oficire od čina majora-kapetana korvete do pukovnika-kapetana bojnog broda, obodom štitnika izvezena je, patina zlatnim koncem, aplikacija maslinove grančice.

Za brigadne generale (komodore) i više činove, pored aplikacije po obodu, na sredini štitnika je dodata aplikacija maslinove grančice u patina zlatnoj boji.

Šapka se izrađuje od kvalitetne tkanine sirovinskog sastava 100 % vuna, površinske mase 180-190 g/m<sup>2</sup> u keper prepletaju. Finoča vunenog vlakna treba da bude max 19 um.

Šapka ima vodootpornu navlaku.

## 11) Rukavice

Rukavice su postavljene, anatomskog oblika sa odvojenim prstima. Rukavice se izrađuju od kože, glat jagnjeća napa, debljine 0,8-1 mm, sa postavom od pletenine.

## 12) Kaiš

Kaiš ima ukrasnu šnalu na kojoj se nalazi znak Vojske, izrađen je od kože, juneća- teleća napa, debljine 2.5-3 mm.

## 13) Čarape

Čarape su standardnog, anatomskog oblika, sirovinskog sastava 80% pamuk /mercerizovani pamuk, dvožično predivo/, 20 % poliamid.

## 14) Plitke cipele

Plitke cipele su anatomskog oblika, sa jezikom koji je u sastavu lica, tj. oglave. Visina jezika iznad linije sare iznosi oko 1 cm i mora zadovoljiti uslov da nakon vezivanja obuće ne smije biti iznad visine sare, bez obzira

na obim zgloba korisnika. Obuća se vezuje preko četiri para rupica koje moraju biti ojačane i pertlama dužine 70 cm. Cipela je lijepljena-prošivena. Ispust gornjišta mora pri navlačenju biti podvučen minimum 15 mm. Spajanje đona sa licem vrši se lijcpljenjem i prošivanjem po kanalu na đonu, koji konac štiti od oštećenja prilikom nošenja. Štep od prošivanja mora biti smješten uz samu ivicu temeljne tabanice da bi nogu bila što manje izložena žuljevima. Uložna tabanica se privremeno fiksira lijepljenjem za temeljnu tabanicu da ne bi došlo do pomjeranja i odvajanja prilikom upotrebe obuće i da se po potrebi može zamijeniti.

Cipele se izrađuju od prirodne kože boks anilin hidrofobiran (specijalno doraden nepromočiv 180 min), sa polusjajem i mekoćom, da bi cipela bila fleksibilna, debljine 1,2 -1,4 mm. Postava je goveđa antibakterijska debljine 0,7-0,9 mm, sa specijalnom doradom za apsorbovanje znoja noge. Đon je izrađen od AGO krupona debljine 3-3,5 mm sa kederom po čitavom obodu. Peta je slagana od kože sa gumenom zaštitom na nagaznom dijelu (guma vulkanizovana, debljine 4-5 mm, takođe i u prednjem dijelu guma je debljine 2 mm). Korito đona je ispunjeno sunđerastom gumom debljine 2-3 mm, koja mora biti kompaktna sa đonom.

Pomoći materijali: U oglavi plitke cipele nalazi se termoplastični materijal debljine 0,6 - 0,8 mm, radi eliminisanja deformiteta obuće pri blagom mehaničkom pritisku. Temeljna tabanica je špalt krupon, debljine 1,8 -2,0 mm. Uložna tabanica, sunđerasta guma, debljine 2 -3 mm, obložena cijelom površinom stopala govedom postavom 0,7 -0,9 mm (kao za postavu lica). Mora biti perforirana radi disanja stopala i takođe prilagodljiva obući i nozi .Lub - vještačka koža "konit" ili sličan debljine 2 mm. Boja cipela je crna.

## Nošenje radne uniforme

### Član 9

Radnu uniformu profesionalni podoficiri i oficiri nose po svom izboru u zavisnosti od vremenskih uslova i zadataka koje obavljaju. Uniforma i njeni djelovi ne nose se u stroju.

- 1) Jakna se nosi sa pantalonama sa bočnim džepovima, majicom sa dugim rukavima- rolkom ili džemperom. Može se nositi i sa pantalonama i košuljama u službenoj varijanti, bez kravate.
- 2) Džemper se nosi sa pantalonama u službenoj varijanti uniforme, preko košulje, sa kravatom. Može se nositi i sa pantalonama u radnoj varijanti uniforme, preko košulje, bez kravate. Nosi se i ispod jakne ili vjetrovke.
- 3) Majica sa dugim rukavima-rolka može se nositi ispod jakne ili džempera ili samostalno, sa pantalonama sa bočnim džepovima. Samostalno se nosi samo u kancelariji.
- 4) Košulja sa tradicionalnom (okruglom) kragnom, sa dugim ili kratkim rukavima, nosi se isključivo u kombinaciji sa djelovima radne uniforme.
- 5) Majica sa kratkim rukavima nosi se po izboru profesionalnog vojnog lica, ispod košulje, rolke, odnosno džempera.
- 6) Pantalone sa bočnim džepovima nose se u kombinaciji sa jaknom, džemperom, rolkom, košuljom sa okruglom kragnom i košuljama kratkih rukava.
- 7) Kapa se nosi na otvorenom prostoru u kombinaciji sa službenom ili radnom uniformom.

## Izgled radne uniforme

### Član 10

#### 1) Jakna

Jakna je sa fiksiranim uloškom. Na prednjem dijelu su dva kosa džepa sa lajsnom širine 1,5 cm i otvorom džepa 16 cm. Patna je širine 6,5 cm u špicu, sa gornjim dijelom blago zaobljenim, a donjim ukošenim dužine 4 cm džepovine. Džep se zatvara skrivenim drikerom.

Rukav je jednodjelni, sa manžetnom od rendera, dužine 6 cm u gotovom stanju.

Na lijevom rukavu, na visini od 14 cm od ramenog šava našiven je džep sa patent zatvaračem dužine od 12-13 cm. Na istom su, simetrično, našivena dva manja džepa, prvo jedan na drugi, a zatim oba zajedno na gornju stranu džepa. Oba manja džepa su preštepana po sredini.

Zadnji šav na rukavu je štepan 1-2 mm /uz ivicu/ + 5 mm /dva štepa/, a orukavlje štepom od 1-2 mm /uz ivicu/.

Kragna je od rendera, ubacuje se u vratni izrez između osnovne tkanine i postave. Na sredini zadnjeg dijela je visine od 4-4,5 cm, sužava se prema sredini prednjeg dijela, i na patent zatvaraču dolazi na nulu. Kragna je štepana po obimu štepom od 0,5 cm.

Kopčanje je na sredini sa patent zatvaračem po cijeloj dužini. Patent zatvarač je vidljiv i oštepan štepom 0,5 cm. Ispod patent-zatvarača sa desne unutrašnje strane je umetnuta lajsna širine 6 cm.

Leđa su iz jednog dijela. Svi šavovi kojima su spojeni prednji djelovi i ledja su oštepani štepom 1-2 mm /uz ivicu/ + 5 mm /dva štepa/.

Na lijevoj strani u visini grudi našiven je meki dio čičak trake, za letvicu za oznaku čina, dimenzija 7 cm širine, 5 cm visine.

Pojas je iz jednog dijela presavijen u visini 7 cm i presječen na prednjoj strani do patent zatvarača, na rastojanju od 7,5 cm. Po cijelom obimu sa zadnje i prednje strane do sjećenja u pojas je umetnuta elastična traka širine 5 cm, koja je preštepana sa dva dvostruka štega.

Jakna je postavljena uloškom, formiranim štepanjem postave međupostavne blokade i punila. Na desnoj strani našiven je manji džep od osnovne tkanine.

Na lijevom rukavu iznad džepa, na sredini našiven je znak Vojske.

Jakna se izrađuje od vodoodbojne, uljoodbojne i vodonepropusne tkanine visokog kvaliteta sirovinskog sastava 100% poliestar sa nanosom poliuretana sa unutrašnje strane, površinske mase od 145-160 g/m<sup>2</sup> u platno prepletaju, sa prekidnim silama po osnovi 100 dN i po potki 100 dN.

## 2) Džemper

Džemper je sa jednim džepom sa patnom i sa ojačanjima na laktovima i u ramenom dijelu. Vratni izrez u obliku slova V oivičen je ketlanom lajsnom širine 3 cm.

Džep sa patnom iskrojen od tkanine vuna 100%, nalazi se na lijevoj strani u visini iznad grudi. Džep je našiven, u donjem dijelu blago zaobijen, sa faltom širine 3,5 cm na sredini džepa. Unutrašnja strana džepa i patna je ojačana međupostavom. Džep je našiven štepom 1- 2 mm /uz ivicu/. Na sredini patne 2,5 cm od donje ivice našiveno je dugme sa znakom Vojske L-28. Patna, je našivena i štepana štepom širine 5 mm sa gornje strane, a po obimu je štepana štepom 1-2 mm /uz ivicu/. Širina gotovog džepa je 13,5 cm. Širina patne je 14 cm, a visina 5,5 cm .Ukupna visina džepa sa patnom je 17,5 cm. Iznad patne na sredini našiven je meki dio čičak trake, za letvicu za oznaku čina, dimenzija 7 cm širine, 5 cm visine.

U ramenom dijelu i na laktovima našivena su ojačanja od tkanine vuna 100%. Ojačanja su podavljena i naštepana štepom 1-2 mm /uz ivicu/ + 5 mm.

Ojačanje na ramenom dijelu, širine 12 cm pokriva rameni šav.

Ojačanje na rukavu, dimenzija širina 13 cm i dužina 18 cm našiva se 25 cm od ramenog šava. Donja ivica džempera i rukava završava se ranflom širine od 7-8 cm.

Na lijevom rukavu, na sredini u gornjem dijelu našiven je znak Vojske.

Džemper se izrađuje od pletenine sirovinskog sastava vuna 50%, akril 50%. Tkanina koja se koristi za ojačanja vuna 100 %, mora bojom biti uskladjena sa bojom pletenine.

## 3) Majica sa dugim rukavima-rolka

Majica sa dugim rukavima-rolka je sa visokom kragnom, zakopčavanjem sa patent zatvaračem na prednjem dijelu. Kragna je dupla, visine 10 cm na zadnjoj i 11,5 cm na prednjoj strani /kod patent zatvarača/ u gotovom stanju. Na prednjem dijelu je našiveno ojačanje od iste tkanine. Dimenzije ojačanja u gotovom stanju su na ramenu 7 cm, a širina u donjem dijelu je 12 cm. Rolka se zatvara patent zatvaračem dužine 30 cm, koji se ušiva 7 cm iznad donje ivice ojačanja do vrha kragne. Patent zatvarač se našiva sa paspul trakama širine 0,5 cm od tkanine u mješavini pamuk-poliestar u boji osnovne tkanine. Dužina rolke i rukava se porubljuje na "iberdek" mašini. Širina poruba iznosi 2 cm. Obim rukava u donjem dijelu, na porubu je 23 cm.

Rolka se izrađuje od kvalitetne pletenine sirovinskog sastava max 92% pamuk, min 8% elastan.

## 4) Košulja sa tradicionalnom (okruglom) kragnom sa dugim rukavima

Košulja sa tradicionalnom (okruglom) kragnom sa dugim rukavima je po izgledu, izradi i boji ista kao i košulja dugih rukava osim što okovratnik čini tradicionalna crnogorska kragna. Visina kragne na sredini je 3 cm. Kragna je po cijelom obimu oštepana na 1-2 mm /uz ivicu/.

## 5) Košulja sa tradicionalnom (okruglom) kragnom sa kratkim rukavima

Košulja sa tradicionalnom (okruglom) kragnom sa kratkim rukavima je u svemu ista kao i košulja dugih rukava, samo što je rukav jednodjelni dužine do iznad lakata. Na dužini rukava formira se skrivena lajsna širine 3,5 cm. Lajsna se zatvara štepom širine 5 mm.

## 6) Majica sa kratkim rukavima

Majica sa kratkim rukavima je T -shirt majica, ravnog kroja sa okruglim okovratnikom od rendera širine 2,5 cm. Rukavi su dužine do iznad lakata. Porub majice na dužini i na rukavu, širine 2 cm je urađen sa dva štega.

Majica se izrađuje od kvalitene pletenine sirovinskog sastava 100% pamuk, površinske mase 140-160 g/m<sup>2</sup>. Boja tkanine je bijela.

## 7) Pantalone sa bočnim džepovima

Pantalone sa bočnim džepovima su klasičnog kroja bez falti. Prednji džepovi su kosi, a otvori utvrđeni ringlicama, kosina džepova je štepana sa lica štgom širine 5 mm. Na zadnjoj desnoj strani otvoren je jedan džep sa lajsnom širine 1 cm i patnom dužine 5 cm. Džep se zatvara skrivenim drikerom. Sa obje strane, u visini do iznad koljena našiveni su bočni falta džepovi sa patnama. Džep na lijevoj strani je našiven na visini od 26,5 cm ispod pojasa. Sredina je na bočnom šavu pantalona, a dimenzije širina 20 cm, dužina 21 cm. Patna je dužine 6,5 cm, a širine 20-21 cm. U donjem dijelu džepa je formirana falta dubine 1 cm, a sa bočne strane, prema zadnjem dijelu falta dubine 2,5 cm. Falta je slobodna sa gornje strane džepa. Porub džepa je podavljen na 1 cm i štovan na 2,5 cm. Bočna prednja strana džepa je našivena na prednju nogavicu štgom 1-2 mm /uz ivicu/, kao i donja strana falte zadnjeg dijela džepa. Gornja strana falte na zadnjoj strani džepa je štepana štgom 1-2 mm /uz ivicu/ i slobodna je. Džep se zatvara skrivenim drikerom koji je postavljen na sredini patne, 2 cm od donje ivice. Džep na desnoj strani je istih dimenzija i istog oblika i načina izrade kao i džep na lijevoj strani, osim što je u donjem prednjem uglu našiven manji džep dimenzija širina 10,5 cm, dužina 11 cm. U donjem i prednjem dijelu je ušiven za prednjicu zajedno sa džepom, a u zadnjem dijelu je našiven na džep štgom 1-2 mm /uz ivicu/ +0,5 mm /ovaj št je u pravcu štova bočnog šava/. Porub malog džepa je podavljen za 1 cm, a zatim štovan na 2 cm. Krajevi džepa su utvrđeni ringlicama. Na sredini džepa na 2 cm od poruba džepa našivena je patna širine 5,5 cm, i dužine 6 cm. Krajevi patne su zakošeni, a kosina iznosi 2 cm. Patna je štepana po cijelom obimu 1-2 mm /uz ivicu/ +5 mm, zatvara se skrivenim drikerom.

Pojas je od osnovne tkanine, iz dva dijela, sastavljen na sredini, ukupne širine 4 cm, i na njemu je našiveno 6 gajki, širine 1 cm i dužine 5 cm. Na lijevoj strani pojasa je produžetak dužine 4 cm sa ravnim završetkom na kome je urađena rupica. Sa unutrašnje strane u pravcu našivenog patent zatvarača učvršćuje se kopča i našiva dugme prema poziciji rupice. Pojas je zatvoren podavljanjem i štovan je po gornjoj i donjoj ivici štgom od 1,2 mm /uz ivicu/.

Pantalone se zakopčavaju patent zatvaračem sa pred nje strane. Šlic je sa lica oštovan štgom širine 3,6 cm. Završetak šlica je utvrđen vertikalnom ringlicom. Nogavice su ravne, na dužini širine 25 cm. Spoljni bočni šavovi, prednji dio ispod šlica i šav na zadnjem dijelu, su štovani 1,2 mm + 0,5 mm /dva šteta/. Porub se formira podavljanjem za 1 cm i štovanjem na 2 cm.

Pantalone se izrađuju od tkanine sirovinskog sastava 50% pamuk, 50% poliestar, površinske mase 170-190 g/m<sup>2</sup> ukeper prepletaju, sa prekidnim silama po osnovi 120 dN i po potki 80 dN, vodooodbojne i uljnooodbojne.

## 8) Kapa

Gornji dio kape se spaja sa bočnim djelovima, a zatim se šavovi raštepanju štovanjem uz ivicu. Ukrasna traka, širine 3 mm, se ubacuje u šav bočnih dijelova po cijelom obimu. U kapu se ugraduje postava i međupostava.

Kapa se izrađuje od tkanine sirovinskog sastava 50% pamuk, 50% poliestar, površinske mase 170-190 g/m<sup>2</sup> ukeper prepletaju, sa prekidnim silama po osnovi 120 dN i po potki 80 dN, vodooodbojne i uljnooodbojne.

## 9) Cipele plitke ili duboke sa gumenim đonom

Cipele plitke ili duboke sa gumenim đonom su anatomske oblike, modelirane da zaštite nogu do ispod ili neposredno iznad gležnja. Na ivici cipele je kragna visine 1 cm, koja je ispunjena sunđerastom gumom debljine 8 mm, radi eliminisanja žuljanja. Jezik je u sastavu lica i identične debljine kao koža lica. Visina jezika iznad linije sare iznosi 3 -4 cm. Između lica i postave jezika nalazi se sunđer debljine 0,5 mm. Visina jezika mora zadovoljiti uslov da nakon vezivanja obuće ne smije biti iznad visine sare, bez obzira na obim zgloba korisnika. Obuća se vezuje preko četiri para metainih okaca sa pamučnim/poliestar ojačanim pertlama dužine 70 cm. Visina đona u petnom dijelu iznosi 4 cm, a ukupna visina petnog dijela iznosi 9,5 cm.

Cipela je lijepljena-prošivena. Lijepljenje cipele se vrši između ispusta gornjišta i temeljne tabanice sa đonom. Ispust gornjišta mora pri navlačenju biti podvučen minimum 15 mm. Obuća se prošiva cijelim obodom đona. Prošivanje se mora izvesti u nivou linije koja pokriva površinu uložne tabanice. Unutrašnji šavovi u spoju dijelova koža ne mogu biti uz ivice koža zbog izvlačenja konca, niti veći od 2 mm, zbog savijanja viška kože i žuljanja noge korisnika. Uložna tabanica se privremeno fiksira lijepljenjem za temeljnu tabanicu da ne bi došlo do pomijeranja i odvajanja u toku procesa korišćenja. Svi štovi su zaštićeni od prodora vlage, vode i čestica.

Cipele se izrađuju od prirodne kože, goveđe, hidrofobirane (specijalno doradene nepromočive 180 min), debljine 1,4 -1,6 mm. Postava je goveđa antibakterijska debljine 0,7 -0,9 mm, sa specijalnom doradom za apsorbovanje znoja noge.

Đon je izrađen od gume ili guma/poliuretan (gazeća površina guma). Đon je reljefan, doradjen protiv klizanja, uljootporan i otporan na vodu. Visina ripni minimum 5 mm.

Pomoćni materijali: Oglava, temeljna tabanica, uložena tabanica i lub.

U oglavi plitke cipele nalazi se termoplastični materijal tipa "proflex" ili sličan, debljine 1,0-1,2 mm, radi eliminisanja deformiteta obuće pri blagom mehaničkom pritisku.

Temeljna tabanica je špalt krupon goveđi, debljine 1,8-2,0 mm.

Uložna tabanica-sundjerasta guma, "trapunto" ili slična, obložena cijelom površinom stopala govedom postavnom kožom, debljine 1,1 -1,3 mm, kojom se obezbeđuje meka i savitljiva gazna površina, prilagodljiva obući i nozi.

Lub - vještačka koža "konit" ili "sličan" debljine 2 mm.

Boja cipela je crna.

## Nošenje svečane uniforme

### Član 11

Svečanu uniformu profesionalni podoficiri i oficiri nose:

- 1) na svečanim prijemima koje organizuje predsjednik Crne Gore, predsjednik Vlade Crne Gore, ministar odbrane i načelnik Generalštaba Vojske;
- 2) pri svečanom ispraćaju predsjednika Crne Gore u inostranstvo i svečanom dočeku predsjednika Crne Gore pri povratku iz inostranstva;
- 3) pri svečanom dočeku i ispraćaju šefova stranih država, predsjednika vlada, ministara odbrane i načelnika generalštabova stranih država;
- 4) na svečanim prijemima koje organizuju strani diplomatski predstavnici;
- 5) na Dan Vojske, prilikom svečanih okupljanja;
- 6) na svečanostima na brodovima mornarice Vojske, shodno Pravilima brodske službe;
- 7) na drugim aktivnostima po naređenju starješine ranga komandanta brigade-baze.

Akselbender, ešarpa, sukna i cipele sa potpeticom nose se u prilikama iz stava 1 ovog člana.

## Izgled pojedinih djelova svečane uniforme

### Član 12

1) Ešarpa se izrađuje od tkanine crvene boje, sirovinskog sastava 100% vuna, površinske mase 220 g/m<sup>2</sup>.

2) Bijela košulja po izgledu i vrsti materijala je identična sa službenom košuljom, osim što je u bijeloj boji.

3) Suknja je ravnog kroja, dužine do koljena. Na prednjem dijelu su dva ušitka dužine 8 cm a na zadnjem dva ušitka dužine 13 cm. Zadnji dio je sa šavom na sredini. U gornjem dijelu je patent zatvarač, a u donjem je formiran šlic na preklop dužine 17 cm. U bočni šav se ušiva egalizir traka širine 1 cm. Pojas je širine 3,5 cm i zatvara se jednim dugmetom. Porub je skriveni, širine 4 cm.

Suknja je postavljena viskoznom postavom.

Suknja se izrađuje od tkanine sirovinskog sastava 100% vuna, površinske mase 180- 190 g/m<sup>2</sup> u keper prepletaju, sa prekidnim silama po osnovi 40 dN i po potki 28 dN, sa uglovima gužvanja, posle 5 min 150° i posle 60 min 160°. Finoća vunenog vlakna treba da bude max 19 um.

4) Cipele su od kože visokog sjaja, glat, plitke, potpetice do 5 cm .

## Nošenje vježbovno-terenske uniforme

### Član 13

Vježbovno-terensku uniformu profesionalna vojna lica nose:

- 1) na obuci, vježbama, gađanjima, dežurstvu i službi obezbeđenja;
- 2) za vrijeme mjera pripravnosti, vanrednog stanja, mobilizacije i ratnog stanja;
- 3) za vrijeme provjera borbene gotovosti i inspekcije;
- 4) na kondicionim marševima;
- 5) u zastavnom vodu;
- 6) prilikom izvođenja počasne artiljerijske paljbe;
- 7) na pogrebima i vojnim počastima, u počasnoj jedinici i
- 8) u drugim prilikama, u skladu sa aktom starješine jedinice ranga brigade-baze.

### III NORMATIV PRIPADANJA SLUŽBENE, RADNE I SVEČANE UNIFORME

#### Službena uniforma

##### Član 14

Profesionalnim podoficirima i oficirima daje se na korišćenje komplet službene uniforme i to:

- 1) mantil sa termo uloškom koji se skida 1 komad
- 2) vjetrovka sa termo uloškom koji se skida 1 komad
- 3) bluza 2 komada
- 4) košulja sa dugim rukavima 3 komada
- 5) košulja sa kratkim rukavima 3 komada
- 6) majica sa kratkim rukavima 3 komada
- 7) pantalone 3 komada
- 8) kravata 4 komada
- 9) šal 1 komad
- 10) šapka 3 komada
- 11) rukavice 1 par
- 12) kaiš 2 komada
- 13) čarape 6 pari
- 14) plitke cipele 2 para.

#### Radna uniforma

##### Član 15

Profesionalnim podoficirima i oficirima daje se na korišćenje komplet radne uniforme i to:

- 1) jakna 1 komad
- 2) džemper 1 komad
- 3) majica sa dugim rukavima-rolka 3 komada
- 4) košulja sa tradicionalnom (okruglom) kragnom sa dugim rukavima 2 komada
- 5) košulja sa tradicionalnom (okruglom) kragnom sa kratkim rukavima 2 komada
- 6) majica sa kratkim rukavima 3 komada
- 7) pantalone sa bočnim džepovima 3 komada
- 8) kapa 3 komada
- 9) cipele plitke ili duboke sa gumenim đonom 2 para.

#### Svečana uniforma

##### Član 16

Profesionalnim podoficirima i oficirima daje se na korišćenje komplet svečane uniforme i to:

- 1) akselbender 1 komad
- 2) ešarpa 1 komad
- 3) bijela košulja 1 komad.

Za žene:

- 1) sukњa 1 komad
- 2) cipele 1 par.

#### Davanje kompleta uniformi

##### Član 17

Komplet uniforme iz čl. 14, 15 i 16 ovog pravilnika pripada profesionalnom podoficiru i oficiru koji prvi put stupa na profesionalnu službu u Vojsci, ukoliko je ugovorom o službi u Vojsci predviđeno da ta služba traje duže od 6 mjeseci.

Profesionalnom podoficiru i oficiru koji učestvuju u međunarodnoj vojnoj saradnji, ministar odbrane, može povećati normativ pripadanja pojedinih djelova službene uniforme.

## **IV ROKOVI TRAJANJA UNIFORMI**

### **Službena uniforma**

#### **Član 18**

- 1) mantil sa termo uloškom koji se skida 4 godine
- 2) vjetrovka sa termo uloškom koji se skida 4 godine
- 3) dvije bluze 1 godina
- 4) tri košulje sa dugim rukavima 2 godine
- 5) tri košulje sa kratkim rukavima 2 godine
- 6) tri majice sa kratkim rukavima 1 godina
- 7) troje pantalona 2 godine
- 8) četiri kravate 2 godine
- 9) šal 4 godine
- 10) tri šapke 2 godine
- 11) rukavice 4 godine
- 12) dva kaiša 1 godina
- 13) čarape 1 godina
- 14) dva para cipela 1 godina.

### **Radna uniforma**

#### **Član 19**

- 1) jakna 4 godine
- 2) džemper 2 godine
- 3) tri majice sa dugim rukavima-rolke 2 godine
- 4) dvije košulje ča tradicionalnom (okruglom) kragnom sa dugim rukavima 1 godina
- 5) dvije košulje ča tradicionalnom (okruglom) kragnom sa kratkim rukavima 1 godina
- 6) tri majice sa kratkim rukavima 1 godina
- 7) troje pantalona sa bočnim džepovima 2 godine
- 8) tri kape 1 godina
- 9) cipele plitke i duboke sa gumenim đonom 1 godina.

### **Svečana uniforma**

#### **Član 20**

- 1) akslbender trajno
- 2) ešarpa trajno
- 3) bijela košulja 1 godina.

Za žene:

- 4) suknja 4 godine
- 5) cipele 4 godine.

### **Produženje rokova trajanja**

#### **Član 21**

Rokovi trajanja uniformi, iz čl. 18, 19 i 20 ovog pravilnika, produžavaju se za vrijeme udaljenja profesionalnog vojnog lica od dužnosti, korišćenja neplaćenog odsustva i obavljanja poslova koji ne zahtijevaju nošenje uniforme.

Pojedini djelovi uniformi mogu se zamijeniti i prije isteka rokova propisanih ovim pravilnikom, ako su oštećeni prilikom izvršavanja službenih zadataka.

Odluku o zamjeni pojedinih djelova uniformi, iz stava 2 ovog člana donosi načelnik Generalštaba Vojske, na predlog komandanta jedinice ranga brigade-baze ili načelnika odjeljenja u Generalštabu.

Nošenje uniformi prilikom izvršavanja zajedničkih zadataka

### Član 22

Prilikom izvršavanja zajedničkih zadataka, u cilju jednoobraznosti, starješina položaja komandanta brigade-baze i viši određuje nošenje uniforme.

Naredbu o nošenju uniforme, u zavisnosti od godišnjeg doba, donosi načelnik Generalštaba Vojske.

## V ZAVRŠNA ODREDBA

### Stupanje na snagu

### Član 23

Ovaj pravilnik stupa na snagu osmog dana od dana objavljivanja u "Službenom listu Crne Gore", a primjenjivaće se od 01. maja 2008. godine.

Broj: 01-5905

Podgorica, 11. novembra 2007. godine

Ministar

mr Boro Vučinić, s.r.